

Nállevealaheami jávkadeami komitea

Loahppaárvalusat Suoma 23. mearreáigeraporta*

1. Komitea gieđahalai 23. Suoma mearreáigásaš raportta (CERD/C/FIN/23) 2520. ja 2521. čoahkkimisttis (gč, CERD/C/SR 2520 ja 2521), mii dollojuvvui 25. ja 26. cuoŋománu 2017. Komitea dohkkehii čuovvovaš loahppaárvalusaid 2536. čoahkkimis 5. miessemánu 2017.

A. Láidehus

2. Komitea vuostáiváldá duđavaččat evttohusa 23. mearreáigásaš raporttas man stáhta lea addán. Komitea maiddái atná árvvus rehálaš ja ieškritihkalaš raportta luonddu, čujuha fuolaide maid komitea bajidii ovddit loahppaárvalusain (CERD/C/FIN/CO/20-22). Komitea atná árvvus rabas ja konstruktivva vuogis mii leai dialogas stáhta oassebeali ovddasteaddjiiguin. Komitea háliida maiddái giitit ovddasteaddjiid dárkilis dieđuin maid ožžo raportta gieđahallama áigge ja lasseinformašuvnnas mii bođii dialoga nohkama maŋŋá.

B. Positiivalaš bealit

3. Komitea giitá stáhta oassebeali go dat nuppástuhtii ovtta veardásašvuodálága (1325/2014) meroštallama 2 logus guoskat sihke almmolaš ja priváhta doaimmaid (earret mat gullet bearašeallimii dahje oskku hárjeheapmái), mii čuovvu Komitea árat ávžžuhusaid.

4. Komitea dearvvaha duđavaččat dan, ahte soahpamušstáhta lea ovddit mearreáigásašraporttaid gieđahallama maŋŋá ratifiseren čuovvovaš áššegirjiid ja čatnasan daidda.

a) ekonomalaš, sosiála ja čuvgehuslaš vuoigatvuodaid guoskevaš almmolašsoahpamuša válljenvuollásaš beavdegirji. 31. ođđajagimánu 2014;

á) biinnideami ja eará julmmes, olmmošmeahtun dahje fuotnut dahje ránggáštusa vuostásaš almmolašsoahpamuša válljenvuollásaš beavdegirji. 8. golgotmánu 2014;

b) máná vuoigatvuodaid guoskevaš almmolašsoahpamuša válljenvuollásaš beavdegirji mánáid vuovdimis, mánnáprostisušvnnas ja mánnápornografijas. 12. Skábmamánu 2014;

c) 11. Miessemánu 2016 ratifiserejuvvon almmolašsoahpamuša lámisolvbmuid vuoigatvuodain ja dan válljenvuollásaš beavdegirji ja dán (6 ja 7 artihkkala) čuovvu dutkanmeannudeami.

* Komitea dohkkehii loahppaárvalusaid 92. čoahkkimisttis (24. cuoŋománu - 12. miessemánu 2017).

Ulkoasiainministeriö - epävirallinen käänös pohjoissaameksi 19.7.2017

5. Komitea vuostáiváldá duđavaččat earret eará čuovvovaš soahpamušstáhta lánkaásahandoaimmaid ja politihkalaš doaimmaid:

- (a) vuosttas ja nuppi čearddalaš vuodđo- ja olmmošvuoigatvuođadoaimmaprogramma dohkkeheapmi;
- (á) vuosttas ja nuppi ruovttuiduhttinprogramma ja jagi 2015 ruovttuiduhttima doaimmaplána dohkkeheami ruovttuiduhttima ovddideamis addojuvvon lága mielde (1386/2010);
- (b) *Good Relations* -fidnu ollašuttin skábmamánuš 2012 golggotmánui 2014;
- (c) politihkalaš bellodagaid čatnašupmi jagi 2015 čuovvut Eurohpá politihkalaš bellodagaid vuodđogirjji rasismmas friddja servodagas;
- (č) *ii vaššiságaide* -fidnu ollašuttin (2013-2015);
- (d) etnikkalaš profiliserema gieldin (2015);
- (e) čearddalaš sámegeiela ealáskahttinprogramma dohkkeheapmi (2014);
- (f) čearddalaš ovtaveardásašvuođa- ja dásseárvolávdegotti (2015) vuodđudeapmi;
- (g) stáhtaráđi vuodđo- ja olmmošvuoigatvuođaoktavuođaolbmuid fierpmádaga vuodđudeapmi (2015);
- (h) čearddalaš olmmošvuoigatvuođainstitušuvnnaid vuodđudeapmi; čearddalaš olmmošvuoigatvuođa máilmmi lihttu, *Global Alliance on National Human Rights Institutions*, lea mieđihan Supmii olmmošvuoigatvuođainstitušuvnnaide A-stáhtusa.

C. Fuolat ja ávžžuhusat

Statistihkat

6. Komitea atná árvvus soahpamušstáhta doaimmahan statistihkaid álbmogis čoakkádusas ja barggolašvuođas. Komitea goittotge lea ina fuolas das, ahte dát dieđut eai atte gokčevaš gova das, mo sierra joavkkut, dego románat, ruošša- ja esttegielagat, somáliálaččat ja sápmelaččat, sáhttet návddašit ekonomalaš ja sosiála vuoigatvuođaideasetguin (1 artihkal).

7. Komitea máhcaha millii dárkkistuvvon raportarávvagiiddis (gč. CERD/C/2007/1, čuoggát 10 ja 12) ja ávžžuha, ahte soahpamušstáhta sirre dieđučoaggima boahttevuođas nu, ahte dat geavaha sierra olbmuid ja joavkkuid anonymitehtii ja iešidentifiseremii vuodđuduvvan etnikkalaš mánggahámatvuođa indikáhtorii vai dahká doarvái buori empiralaš vuoddu politihkkii, mainna beavttálmahttit buot almmolašsoahpamuša suddjejuvvon rivttiid ovtaveardásaš návddašeami olbmuid gaskavuodas, ja álkidahttit dili čuovvuma.

Stáhta siskkáldas lánkaásaheami heiveheapmi

8. Komitea gidde fuomášumi soahpamušstáhta addán dieđuid čearddalaš virgeoapmahaččaid dihtui boahán olguštandáhpáhusaid. Komitea atná goittotge váidalahttin, ahte dat ii leat ožžon gokčevaš dieđuid daid dáhpáhusaid loahppabohtosiin, main stáhta siskkáldas

Ulkoasiainministeriö - epävirallinen käänös pohjoissaameksi 19.7.2017

láhkaásaheami leat heivehan almmolaš soahpamuša 1 artihkkalis meroštallojuvwon nállevealaeapmái (1, 5 ja 6 artihkal).

9. Komitea ávžžuha, ahte soahpamušstáhta addá ain čuovvovaš mearreáigásašraporttas lassieduid ja ovttaskasdási statistihkaid sivahandoaimmain, main nállevealahandáhpáhusain leat álgán vai rihkusdahkkiid lea vejolaš oazžut ovddasvástádussii daguid ovddas.

Vašsisáhka, nállelašái oalguheapmi ja vašsiriikkosat

10. Komitea atná positiivan *li vašsiságaid* -fidnu (2013-2015) ja rihkuslága nuppástuhttima (511/2111), mainna ásaht ránggáštusa vuollásažžan oalguheapmi álbmotjoavkku vuostá sihke roava oalguheami álbmotjoavkku vuostá ja ásahevvo dáid daguid ránggáštusain. Komitea atná miehtemielalažžan maiddái daid soahpamušstáhta doaimmaid, maiguin dat lea jagi 2016 ja álgojagi 2017 figgan eastadit ja gieđahallat vašsiságaid ja vašsiriikkosiid. Komitea lea goittotge ain fuolas rasisttalaš motiivvaide vuodđuduvvan vašsiriikkosiid fuomášahtti ja stuorru dihttomis ja das, ahte gorálaččat háreve vašsiriikkosiin lea čuoččáldahtton ášši. Komitea gidde fuomášumi stuorru bahámiehatvuhtii olbmuid vuostá, geain navdet leat olgoriikkalaš duogáža, dego románat, muslimat, somalat, ruoššat ja ruođagiellagat. Komitea lea fuolas maiddái das, ahte jagiid 2015 ja 2016 girjejedje nuppelogi dorvobáikeohcciide čuočcán veahkávdálddalaš falleheami, earret eará duššadanboaldimiid. Komitea gidde fuolas fuomášumi, ahte rasisma ja vierroolmmošvaššin gehččojuvwon sisáfarrejeaddjiid vuostásaš sáhka lea lassánan politihkkáriid guovdu, vaikke buot riikkabeaibellodagat vuolláičáalle jagi 2015 Eurohpá politihkalaš bellodagaid vuodđogirjji servodagas, mii lea friddja rasismmas (2, 4 ja 6 artihkal)

11. Komitea máhcaha millii almmolašávvžžuhussan nr 35 (2013) rasisttalaš vašsisága dustemis ja ávžžuha, ahte soahpamušstáhta

(a) dutká beaktilit rasisttalaš vašsisága, oalguheami nállelašái ja nállái vuodđuduvvan veahkávdálddi ja čujuhit áššáigullelaš sivahan- ja čuovvundoaimmaid daidda, geat leat ovddasvástádusas dáid daguin;

(á) addá bákkolaš ja jotkkolaš skuvlejumi vašsiriikkosiin ja ovttaveardásašvuodas buot dásiid lágageavahanvirgeoapmahaččaide;

(b) dubme almmolaččat virgeolbmuid ja politihkkáriid rasisttalaš vašsisága ja vierroolmmošbahámiehat cealkámušaid earret eará neahttadieđihangaskaomiin, cealká eret dain almmolaččat ja ávžžuha politihkkáriid sihkkarastit, ahte sin almmolaš cealkámušat eai bealistis ovddit udnohisvuodá, steampilastima ja oalguheami vaššái;

(č) addá čuovvovaš raporttastis statistihkkadieđuid vašsiriikkosiid, daid guoskevaš duomuid ja daid dahkkiide dubmejuvwon ránggáštusaid mearis ja luonddus ja dáid rihkkosiid oaffariidda vejolaččat mieđihuvvon buhtadusain.

Románaservošat

12. Seammás go komitea gávnnaha románagiela oahpahusa ožžon oahppiid meari lassánan ja giitá soahpamušstáhta dán ánsolaččat gárvvistuvvon románapolitiikkaš plánas, komitea lea goittotge fuolas das, ahte dávjá románat deivet velge vealaheami ekonomalaš, sosiála ja čuvgehuslaš vuoigatvuodaid návddašeamis, eandalii barggu, vistti ja skuvlejumi oazžumis (5 artihkal).

13. Komitea čujuha almmolašávžžuhussii nr 32 (2009) buotlágan nállevealaheami jávkadeami guoskevaš riikkaidgaskasaš almmolašsoahpamuša čuovvu sierra doaibmajuid dárkkuhusas ja heivehansuorggis ja románaid vealaheami guoskevaš almmolašávžžuhussii nr 27 (2000). Komiteaávžžuha, ahte soahpamušstáhta beavttálmahtá doaimmaidis románaid integreremin bargo- ja vistemárkaniidda, románamánáid oassálastimin skuvlejupmái ja románagiela oahpahusa ovddideapmin. Lassin komiteaávžžuha, ahte soahpamušstáhta addá čuovvovaš raporttastis komiteai dieđuid ollašutton doaimmaid konkrehtalaš bohtosiin.

Sápmelaččaid dili

Jienasteapmi ovddasteamis sámedikkis

14. Komitea gidde fuomášumi Sámedikki fullii, ahte gieskat paraferjuvvon davviriikkalaš sámesoahpamuša mielde Suoma ráđđehusas seailu doaibmaváldi meroštallat, geat leat sápmelaččat. Lassin komitea gidde fuomášumi, ahte alimus hálddahušrievttis lea doaibmaváldi mearridit, geat leat jietnavuoigadahtton sámedikki válggain. Komitea gidde fuomášumi, ahte soahpamušstáhta lea čatnasan čuovvut árat prinsihpa, mii lea friddja ja dihtui vuođđuduvvan ovddalgihit miehtama prinsihppa go árvvoštallat ođđasit dáid gažaldagaid guoskevaš politihka (5 artihkal).

15. Eamiálbmogiid vuoigatvuodaid guoskevaš almmolašávžžuhusa nr 23 (1997) mielde komiteaávžžuha ođđasit, ahte meroštaladettiin, geas lea jietnavuoigatvuolta sámedikki válggain, soahpamušstáhta galggašii addit áššáigullevaš deaddoárvvu sápmelaččaid iešmearridanriektái, mii laktása sin sajádahkii Suomas, sin vuoigatvuhtii mearridit iežaset lahttuvuođas ja vuoigatvuhtii dasa, ahte eai bággooassimilerejuvvo. (gč. CERD/C/FIN/CO/20-22, čuokkis 12)

Sápmelaččaid árbevirolaš eatnamat ja ealáhusat

16. Soahpamušstáhtaid addán dieđuin fuolatkeahhtá komitea lea fuolas ain das, ahte sápmelaččaid vuoigatvuodaid árbevirolaš eatnamiidda ja áittavuollásaš árbevirolaš guolástusealáhusii eai suodjal doarvái bures ja ahte sápmelaččaide čuohtán ráđđehusa doaimmain eai čuovo jearggalaččat friddja ja dihtui vuođđuduvvan ovddalgihit miehtama prinsihpa. Komitea gidde fuomášumi, ahte jagi 2016 ásahuvvon lánka Meahciráđđehusas (234/16) ii gáibit ráđđádallama sápmelaččaiguin ovdal go earáide juolluduvvojit lobit, mat váikkuhit sápmelaččaid eatnamiid ávkkástallamii. Komitea lea fuolas dieđuin maid lea ožžon. Daid mielde Sámediggi ii leat konsulterejuvvon ovdal Deanu guolástansoahpamuša vuolláičállima, vaikke soahpamuš gáržžida čielgasit sápmelaččaid árbevirolaš

Ulkoasiainministeriö - epävirallinen käänös pohjoissaameksi 19.7.2017

guolástanvuoigatvuođaid. Komitea gidde fuomášumi, ahte ráđđehusa evttohus iehčanas riikkaid eami- ja čeardaálbmogiin dahkkon riikkaidgaskasaš bargoorganisašuvnna ILO almmolašsoahpamuša nr 169 ratifiseremis lea čovddekeahtá (2 ja 5 artihkal).

17. Komitea ávžžuha ođđasit, ahte soahpamušstáhta galggašii gávdnat áššáigullelaš ráđđádallanbohtosa nákkus, mii guoská sámiid rivttiid árbevirolaš eatnamiiddiset, maiddái dárkkistit ášši guoskevaš lánkaásaheami ja váldit vuhtii ILO almmolašsoahpamuša nr 169 iehčanas riikkaid eami- ja čeardalábmogiin (gč. CERD/C/FIN/CO/20-22, čuokkis 13). Lassin soahpamušstáhta ávžžuhuvvo skáhppot sápmelaččaid friddja ja dihtui vuodduvvan ovddalgihtii miehtama ovdal go dat dohkkeha fidnuid, mat váikkuhit sápmelaččaid árbevirolaš eatnamiid ja luondduresurssaid ávkkástallamii ja ovddideapmái. Soahpamušstáhta galggašii maiddái sihkkarastit, ahte ovdal go dat miedihha doaibmalobiid dahje pláne doaimmaid sápmelaččaid ruovttuguvlui, kultuvrralaš, sosiála ja birasváikkuhusat árvoštallojuvvojit áššáigullelaččat ovttasbarggus daid servošiiguin, maidda guđege doaibmabidju váikkuha.

Sámi gielat

18. Komitea gidde fuomášumi, ahte Suomas 75 % vuollel 11-jahkásaš sámemánáin ássá sámiid ruovttuguovlu olggobealde. Komitea lea fuolas das, ahte mearreruđaid lasiheamis fuolatkeahtá dohkálaš sáme giela oahpaheaddjit leat velge menddo unnán. Lassin komitea gidde fuomášumi, ahte soahpamušstáhta lea evttohan sámi giellalága nuppástuhttima. Komitea dihtui leat fuolastuhtti lánkai bohtán, ahte sáme gielat sosiála- ja dearvvašvuođabálvalusat leat ain oazžumis menddo unnán, vaikke soahpamušstáhta lea figgan nannet sámi gielaid ja kultuvra máhtu sosiála- ja dearvvašvuođafuolahusa bargoveaga gaskavuodas (5 artihkal).

19. Komitea arvvosmahtá soahpamušstáhta joatkit sámi gielaid ealáskahttima maiddái sápmelaččaid ruovttuguovllu olggobealde. Komitea ávžžuha maiddái, ahte soahpamušstáhta sihkkarastá dearvvašvuođa- ja mielladearvvašvuođabálvalusaid ja sosiálabálvalusaid doarvái buori fállama sámi gielaiguin.

Barggolašvuohta ja ássan

20. Komitea lea fuolas das, ahte olgoriikkaduogáš navdojuvvon olbmot vealahuvvojit ain bargo- ja vistemárkaniin ja ahte nissoniid, geain lea olgoriikkaduogáš, bargguhisvuođadassi lea velge hui allat (2 ja 5 artihkal)

21. Komitea ávžžuha, ahte soahpamušstáhta álgá buot dárbbalaš doaimmaide dusten dihte nállevalaheami bargo- ja vistemárkaniin mii guoská olbmuid, geain navdet olgoriikkaduogáža.

Mánáid, geain navdet olgoriikkaduogáža, givssideapmi

22. Komitea giitá soahpamušstáhta skuvllagivssideami vuostásaš doaibmaprogramma gárvvisteamis ja ollašuttimis. Vaikke komitea gidde fuomášumi Suoma ráđđádallangotti

Ulkoasiainministeriö - epävirallinen käänös pohjoissaameksi 19.7.2017

gávnahan, ahte skuvllagivssideami dustemis leat ovdánan, komitea lea fuolas das, ahte givssideapmi soahpamušstáhta raportta dieđuid mielde ii vuhtto geahppánan (2 ja 5 artihkal).

23. Almmolašsoahpamuša 5 artihkkala guoskevaš almmolašávžžuhusa nr 20 mielde komitea ávžžuha, ahte ovttavewardásaš ja oassálasti skuvlvenvejolašvuodaid sihkkarastimin buot mánáide soahpamušstáhta beavttálmahtta doaimmaidis, mainna dat ovddida udnolašvuoda, mánggahámatvuoda ja ovttavewardásašvuoda skuvllaid oahpahusplánaid vuodustusain vai movttiidahtta beaktillis mánggakultuvrralaš oahppanbirrasii.

Sisafárrejeaddjit, dorvobáikeohccit ja báhtareaddjit

24. Komitea gidde fuolas fuomášumi, ahte 32 000 dorvobáikeohcci boadedettiin Supmii jagi 2015 Suopma lea dahkan mánga lánkaásaheami nuppástusa, mat heajudit dorvobáikeohcciid, báhtareaddjiid ja eará hávváduvvi sajádagas lean sisafárrejeaddjiid suodjaleami. Komitea lea fuolas das, ahte olgoriikalašlága (301/2004) njuolggadus orrunlobi mieđiheamis humanitára ákkaiguin lea gomihuvvon ja ahte nuppástusa leat heivehan máhcevaččat. Komitea lea fuolas maiddái das, ahte dat lea ožžon diehtit muhtun dorvobáikeohcciid lean vel bolesa seailuhastinváldinsajiin. Lassin komitea lea fuolas riikkas lágaheamit lean olbmuid váttisvuodain oazžut eará govttolašhatti ja áššáigullelaš dearvvašvuodabálvalusaid dego maiddái hohpolaš divššu. Komitea dihtui leat bohtán fuolastuhtti vugiin, ahte muhtun joavkkuide gullelaš dorvobáikeohcciid lagaš áigge dorvobáikevaidalusaid leat dohkkehan hárvvibut go eará joavkkuid váidalusaid. Komitea bivdá soahpamušstáhta čielggadit, váikkuhitgo vejolaš vealahandoalbmabijut dan mieđihan dorvobáikkiid mearrái (5 ja 6 artihkal).

25. Komitea ávžžuha earáid go iežas riikka riikkavuložiid vealaheami guoskevaš almmolašsoahpamuša nr 30 (2009) mielde, ahte soahpamušstáhta

(a) sihkkarastá, ahte dan fámus lean lánkaásaheapmi ja eará ráddjehusat, mat gusket eará go soahpamušstáhta riikkavuložiid jávkadeami dan lágageavahanguovllus, dárkkuhusa dahje váikkuhusaid beales vealat geange náli, liikeivnni dahje etnikkalaš dahje čearddalaš duogáza vuodul ja ahte eará go soahpamušstáhta riikkavuložiin leat riikkasjávkanmeannudemiin ovttavewardásaš riekti geavahit beaktillis riektesuodjevugiid máhchangáibádusaid vuostá;

(á) bajásdoallá vuostáiváldinguovddážiin doarvái buori válmmašvuodaid fállat áššáigullelaš suoji, vuodabálvalusaid ja humanitára veahki vai sihkkarastá, ahte dorvobáikeohccit eai dollojuvvo seailluhusas ránggáštuslunddot sajiin;

(b) álggaha konkrehtalaš doaimmaid sihkkarastin dihtii, ahte riikkas lágaheamit lean ožžot duodalaččat govttolašhattálaš ja áššáigullelaš dearvvašvuodabálvalusaid.

D. Eará ávžžuhusat

Eará áššegirjjiid ratifiseren

26. Go doallá mielas buot olmmošvuoigatvuođaid juogekeahtesvuođa de komitea ávžžuha soahpamušstáhta guorahallat, ahte dat ratifiserešii riikkaidgaskasaš olmmošvuoigatvuođasoahpamušaid, maid dat ii leat vel ratifiseren, eandalii dakkár stáhtasoahpamušaid, maid mearrádusain lea njuolgo mearkašupmi nállevealaheapmái vejolaččat gártan servošiid. Dákkár stáhtasoahpamuš lea ovdamearkan riikkaidgaskasaš almmolašsoahpamuš buot sirdinbargiid ja sin bearašlahtuid vuoigatvuođaid suodjaleamis. Lassin komitea ávžžuha ođđasit, ahte soahpamušstáhta ratifiserešii ILO almmolašsoahpamuša nr. 169 iehčanas riikkaid eami- ja čeardaálbmogiin (gč. CERD/C/FIN/CO/20-22, čuokkis 19).

Durbana julggaštusa ja doaimmaprográmma čuovvun

27. Durbana dárkkistankonfereansa čuovvuma guoskevaš almmolašávžžuhusa nr 33 (2009) vuodul komitea ávžžuha, ahte soahpamušstáhta bijadettiin almmolašsoahpamuša čadhaheapmái riikka riektevuogádagastis bidjá fápmui Durbana julggaštusa ja doaimmaprográmma, maid rasimma, nállevealaheami, vierroolmmošvaši ja daidda gullevaš udnohisvuođa vuostásaš máilmmikonferánsa dohkkehii čakčamánuš 2001, ja váldá dalle vuhtii Geneves cuoŋománuš 2009 dollojuvvon Durbana dárkkistuskonferánsa loahppaáššegirjji. Komitea bivdá soahpamušstáhta bidjat sisa čuovvovaš mearraígásašraportta sierra dieđuid doaimmaplánain ja eará doaimmain, maid soahpamušstáhta lea ollašuttán Durbana julggaštusa ja doaimmaprográmma ollašuttimin riikkadási.

Riikkaidgaskasaš duogáža dáfus afrihkálaš olbmuid jahkelohku

28. Ovtastuvvan našuvnnaid almmolaščoahkkin almmuhii mearráduscealkámušainis 68/237 jagiid 2015-2024 riikkaidgaskasaš duogáža dáfus afrihkálaš olbmuid jahkelohkun. Almmolaščoahkkin lea maiddái addán mearráduscealkámuša 69/16 doaimmaprográmmas dán jahkelogi ollašuttimis. Dáid mearráduscealkámušaid vuodul komitea ávžžuha, ahte soahpamušstáhta gárvvista ja ollašuttá dárkkuhussii heivvolaš doaimbidjo- ja politihkkaprográmma. Komitea bivdá soahpamušstáhta lasihit čuovvovaš mearraígásašraportii sierra dieđuid dán oktavuodas ollašuttton konkrehta doaimmain, go váldá vuhtii komitea almmolašávžžuhusa nr 34 (2011) duogáža dáfus afrihkálaš olbmuide čuohcán nállevašis.

Siviilaservodaga gullan

29. Komitea ávžžuha, ahte soahpamušstáhta ráđđádallá ain ja lasiha dialoga olmmošvuoigatvuođaid suodjaleami suorggis bargan siviilaservodaga ovddastan organisašuvnnaiguin, eandalii nállevealaheami dustejeaddji organisašuvnnaiguin, go gárvvista čuovvovaš mearraígásašraportta ja go álgá doaimmaide dáid loahppáarvalusaid mielde.

Vuodđoraporta

30. Komitea ávžžuha ođđasit, ahte soahpamušstáhta bidjá áiggi dássái jagi 1997 addán vuodđoraportta (HRI/CORE/1/Add.59/Rev.2) ja čuovvu daid oktilažžan dahkkon rávvagiid riikkaidgaskasaš olmmošvuogatvuodđasoahpamušaid ollašuhhtima raporteremis ja eandalii vuodđoraporttas, maid olmmošvuogatvuodđasoahpamušbearráigeahččoorgánaid gaskasaš viđat čeahkkii dohkkehii geassemánus 2006 (HRI/GEN/2/Rev.6, lohku I). Almmolaščeahkkima loahppaarvalusa 68/268 vuodđul komitea ávžžuha soahpamušstáhta váldit vuhtii gažaldatvuollásaš áššegirjjiide ásahuvvon 42 400 sáni maksimaguokkodaga.

Doaimmat dáid loahppaarvalusaid vuodđul

31. Almmolaščeahpamuša 9 artihkkala 1čuoggá ja komitea bargoortnega njuolggadusa 65 mielde komitea bivdá soahpamušstáhta doaimmahit jagi siste dáid loahppaarvalusaid addimis dieđuid das, mo dat lea ollašuhhtán ovdalis čuoggáin 19 ja 25 addojuvvon ávžžuhusaid.

Eandalii dehálaš čuoggát

32. Komitea háliida soahpamušstáhta giddet fuomášumi dasa, ahte ovdalis lean čuoggáid 9, 11 ja 17 ávžžuhusat leat eandalii dehálaččat, ja dat bivdá soahpamušstáhta addit čuovvovaš mearreáigásašraporttastis dárkilut dieđuid konkrehta doaimmain dáid čuoggáid ávžžuhusaid ollašuhhtimis.

Dieđiheapmi

33. Komitea ávžžuha, ahte soahpamušstáhta raporttat doaimmahuvvojit álbmogii fáhten láhkai álkit ja eastagiid haga seammá áigge go raporttat addojuvvojit komiteai ja ahte komitea loahppaarvalusat gažaldatvullosaš raporttain almmustahttojuvvojit seammá vugiin soahpamušstáhta virggálaš gielaiguin ja áššáigullevaččat eará soahpamušstáhtas almmolaččat geavahuvvon gielain.

Čuovvovaš mearreáigásašraportta gárvvisteapmi

34. Komitea ávžžuha ahte soahpamušstáhta addá ovtastuvvon 24.-26. mearreáigásašraporttaid oktan áššegirjin manjimustá 13. borgemánu 2021, ja váldá vuhtii komitea 71. čeahkkimis (CERD/C/2007/1) addán raporterénrávvagiid ja giedáhaladettiin buot dáid loahppaarvalusain ovdan bukton áššiid. Almmolaščeahkkima mearrádušcealkámuša 68/268 vuodđul komitea ávžžuha soahpamušstáhta čuovvut mearreáigásašraporttaide mearriduvvon 21 200 sáni máksimaguokkodaga.

== =